

¡BOMBA!

De la Fuente se fue hondo: que en la ONU no haya veto es propuesta y es un reto para hacer cambio de fondo



k'uintsil

Jueves 25 de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2571 · www.lajornadamaya.mx

Richard Maxwell táan u meyajtik u kaambalil balts'am tu lu'umil Yucatán

P / 19

Oochel gobierno de Yucatán



Richard Maxwell juntúul ti' le máaxo'ob jach k'ajóolta'an ich Transversales Encuentro Internacional de Escena Contemporánea, meyaj káaj tu noj kaajil Jo' le semana je'ela'. Chúun yéetel jump'éel taller jts'a'ab tumen máax káajs yéetel jo'olbesik New York City Players Company.

Te'el semana je'ela', tu kúuchil Centro Cultural de la Niñez Yucateca (Cecuny), jbeet balts'am yéetel director experimentale', tu ts'áaj taller ichil 10 tak 14 horas, xma' bo'olil ti'al tuláakal máako'ob, je'el

ba'axak biin ku meyajtko'obe', tu'ux táan u xak'alta'al jejeláas ba'alo'ob yéetel nu'ukulo'ob je'el u meyajto'ob ti'al u yúuchul ts'iib, u belbesa'al wa u beeta'al balts'am. U nooyil meyajje', teatro de vanguardia.

U yóol meyajje' jóok' ti' u áanalte' Teatro para principiantes, le beetik te'el meyajje' ku kaxta'al u na'ats'al máak ti' u meyajil balts'am, tu'ux ka káajak ba'al tu'ux mina'an mix ba'al, ka'alikil u kaxta'al u yutsil xak'alta'al u péek ba'al, t'aan yéetel u muuk'il máax ku chiikpajal.

Tallere' maases u ti'al máaxo'ob

beetik balts'am u k'áato'ob u xak'alt bix u yúuchul le meyajje'. Ku tsikbalta'al bix u chiikbesa'al ba'al te'el balts'amo', tumen yaan k'iine' u maas p'iitkunsal ba'ale' maas ya'ab ba'al ku ye'esik.

Richard Maxwell kaja'an Nueva York, jts'iib residente New Dramatists. siij tu kaajil West Fargo, Dakota del Norte, u meyajje' káaj Steppenwolf Theatre Company. Ka'alikil táan ka'ach u meyaj Chicagoe', káaj u jo'olbesik Departamento de Teatro ti' u Condadoil Cook.

U ts'iibtmaj ka'ap'eeel áanalte'ob: Obras de teatro: 1996-2000, jóok'sa'ab tumen Theatre Communications Group, yéetel Teatro para principiantes, jóok' tu ja'abil 2015.

Encuentro Internacional, táan u beeta'al tumen Secretaría de la Cultura y las Artes (Sedeculta), múul meyajta'an yéetel Teatro Línea de Sombra, reüne a: Táan u mu'uch'ul jejeláas máak meyajtik balts'am ti' u lu'umilo'ob México, Francia, Canadá, España, Chile yéetel Estados Unidos. Tukulta'an u ts'o'okil 4 ti' octubre.